

四庫全書

史部

欽定四庫全書

幸魯盛典卷三十

聖駕幸闕里恭紀

翰林院編修臣陳遷鶴

鳳輦東臨泗水濱
千年禮樂應時新
未誇我武功堪獻祇為斯
文道在人統際上元

皇甲子秩隆泰岱

帝初春靈臺太史占星象
喜報奎婁映

紫宸

其二

數仞宮牆

御幄披登歌列俎展隆儀遙知楹奠宗予日絕勝牢
祠過魯時逸興深微存活水

天文爛熳賁枯枝

皇朝典禮光前古正合麟鳳啓

聖期

聖駕幸闕里頌有序

翰林院編修臣李殿邦

皇上大聖馭宇承

祖宗累葉休烈嗣丕丕厯服海內冠帶之民徼外荒裔之

族咸共覆載

盛德大業光被宇宙方之三五不是過也仰惟

皇上生狗齊長敦敏當

冲齡踐祚時即懋

聖學誦宣聖所修述刪贊書緝熙罔間作聖之基肇於
此矣廿餘年來無宵旦寒燠樂此不倦剖析太極
洞徹先後天理數日尋孔顏所樂何事五經四書
有講義矣諸史丹鉛通鑑有斷矣鑒古有輯覽淵
鑒有裒錄矣方輿有志會典有書矣法戒典訓有
紀矣勝國史有成帙矣煌煌

聖製昭日星而爛雲漢自古文章之盛道德之華曷以
加焉先是逆藩跋扈

天怒赫然取渠魁殲滅之

廟算無遺策數稔之間中外晏如韜弓矢而舞干羽制
禮作樂所在聞弦誦聲於是倣古巡狩禮也康

熙二十三年歲在甲子一元復始

皇上東巡問民疾苦

駐蹕孔里

幸至聖先師廟庭備牢醴奏鈞天

九拜行釋奠禮為道屈也旋

命諸生進講經義旁求四氏裔爵賞之仍

謁孔林觀石壇撫端木所築廬低徊流連心焉若契

乃發

聖蘊煥

天章題萬世師表懸之複製賦成詩異藻繽紛與玉書

經傳後先掩映一時從官皆欣喜忭躍信斯道

有光而東國人士父老扶杖來觀者環橋門肩

相摩擊也踰年又

御製孔廟碑文表彰聖緒垂之貞珉自開闢以來崇儒
重道莫有若斯盛者昔漢高帝過魯以太牢祀
孔子明帝臨雍拜五更三老宋藝祖贊孔顏當
時後世猶艷稱之而況我

皇上聰明天縱合符比德惟聖知聖者乎頌聲之洋溢
誠不能自己也夫生當

堯舜之世親沐雅化而不能扞揚

聖治恥莫大焉且備員詞林操觚染翰亦臣職分也謹

拜手稽首而為之頌曰

鳧嶧崇隆洙泗長道繼衰周誕素王易贊書刪
詩禮彰春秋之作振王綱孝經論語講學詳七
十二賢列門牆聖人之後達者昌車服禮器何
輝煌誦法折衷歷漢唐開宋逮明至

今皇膺圖臨馭訖八荒沐仁浴義民和康澹然淳悶物
相忘卿雲醴泉降衆祥闕逢困敦歲豐穰

東巡先登闕里堂寧神稽拜和且莊六佾軒縣盛鏗

鏘講經博士弟子行爵賚聖裔有餘慶

聖心洪闡為文章元氣作軸運陰陽雕龍繡虎刻宮商
堯典舜典乃可方撫摩古檜攄琳瑯楷幹著莖
氣芬芳精光布濩昌平鄉如圖如洛尼山傍

屈躬崇道叙彝常排老驅釋立大防斯道中天日月
光凡有氣血靡不覆羣工百爾矢賡颺千禩萬
祀永無疆

聖駕幸魯恭紀二十韻

翰林院編脩臣甯世簪

平成時際泰封濬

德成乾道在尊師表居看近聖賢龜蒙雲變黼洙泗水

潺湲

帝運圖疇契

臨雍玉帛虔豹罕風動處鳳吹日華邊石闕儀容備

宮牆典祀專室琴存太古庭檜識長年星炯藏

書內龍翔駐蹕前肅瞻烟漠漠靜聽鼓齠齠鷺

序登歌秩駕行率舞聯

翠華留曲蓋

宸翰燦宮箋夏鼎商盤篆黃琮蒼璧鑄銀鈎題處濕珠
勝看來鮮六藝笙簧奏諸經鼓吹宣禮皆從敬
始樂總為和縣行道探河洛微言闡澗瀍文明
宣宛委造化合璣璣棧樸菁莪地卿雲湛露天
纂修垂盛事歌頌載新篇徒沐

恩如海慚無筆似椽

聖駕幸闕里頌有序

翰林院檢討臣金德嘉

欽惟我

皇上運啓文思道隆濬哲禹疇義畫先後同符武烈文謨經緯共貫覆載所極雲漢為章是以

巡狩岱宗瞻言闕里

六龍雷集霞歲凝以建旂萬象景從雲縹緲而張蓋贊牲采之班者瀕海之域千里受鬯鹵之賜者生

民以來一人陟降肅雍金石絲竹之奏宮庭璀璨春秋易象之書拊舞杏壇濟濟簪纓之博士
嵩呼閣道亭亭帶礪之上公是日天宇融和

皇情豫悅用美牆二帝之心遙通祖述以範圍百代之
學遐契儒宗猗歟煌哉休茲盛矣昔漢高過魯
祀以太牢唐帝崇儒加之王爵猶且焜耀簡編
傳聞奕禩若乃放勳光被煥乎堯文六藝表章
爛然魯壁於斯為盛莫之與京臣恩叨侍從喜

切瞻依典禮維新宮牆自古文在茲而未艾道
歷久而彌光增益

高深懋剛健粹精之學緝熙

上理開蕩平正直之途徽猷冠乎古今典則垂於天
壤而珥筆固陋紀述未遑非所以昭盛美揚景
風也臣謹拜手稽首獻頌曰

皇帝御極德洋化溥雨潤日暄敷天率土東西朔南同
文壹矩欵闕獻琛重譯致語車闐槐市肩摩石

鼓

帝坐明堂曰若稽古巡省方嶽時邁東魯魏魏武宗湔
沆歛吐鍾祥毓靈洙泗之潁二儀絪縕三辰樞
紐水精素王篤生亶厚唐虞夏商遠宗近守贊
修刪定除榛蕪六經昭垂地維天柱業邁伊
周道同堯禹秩秩廟庭恢恢壇宇

鑾輅式臨隆儀肇舉備漢牲牢兼唐佾舞肅肅雝雝
登降拜俯大哉乾元

龍飛九五寤寐宮牆寅恭簋簋顧瞻左右彬彬廊廡鏗鏘融諧笙磬杅啟聖道中天日正當午魯壁橫經博士訓詁明目達聰翕受俯取如天覆露鴻鱗纖羽如地持載澤珠山瑤容若太倉罔遺區釜沛若洪河勿擇淑浦四姓苗裔章縫珪組磅礴沾溉便蕃賚予

尚方芝蓋留蔭廟戶傳示來茲與球共伍亶亶

御製義圖範譜煌煌

宸翰龍翔鳳翥垂諸金石閼亭鉅礎日星照臨海嶽涵

負

皇帝聖神寰宇安堵百神懷柔呈符貢祐湛恩汪濊誕
被陵藪蠲所過租老嫗穉哺自古在昔屬車行
部刻玉河漚披圖洛渚

皇帝曰咨予臨天下欽若昊天為生民主重道崇儒修
文偃武冶鑄八荒甄陶九有

皇帝建極天錫純嘏文明廣運與天齊壽小臣魯鈍備

員藝圃索筆暇詩敢告冊府

聖駕幸魯恭紀二十四韻

翰林院檢討臣潘麒生

至德體天地斯文冠後先累朝尊莫並

當代禮尤全翠嶂迴

金輅朱旗繞玉泉軒裳擁道左

袞冕拜階前降

輦趨函丈登歌列豆籩千秋隆保傳九叩獨齋虔

臨幸寧常數精誠嚴事天環橋觀聽集侍講更微宣鈞
履垂周製尊壘紀漢年遺容欽仰止陵墓倍依
然檜老含春露槐疎拂樹烟叢著何鬱鬱文草
自芊芊覽物今猶古游心往復還

睿思川上湧

宸翰杏壇懸旭耀光璀璨雲鋪勢蜿蜒祖蠲民盡復典
曠舉無偏夙願東周切崇祠上相專報功惟尚
德翼聖賴諸賢默識開心學聞知得妙詮宋儒

貽蔭遠孔祀受

恩綿共戴

皇仁大羣沾教澤鮮

君師洵合撰精一果心傳幸紀新元會不書舊簡編清

時逢

聖泰珥筆獻詩篇

聖駕臨幸闕里恭紀二十韻

翰林院
檢討
吳苑

龍旂翔斗北

鳳輦駕山東海嶽千年會車書萬國同卿雲環

帳殿夾籟發

行宮日觀層霄外尼山灝氣中杏壇花爛熳闕里樹

青葱鵷鷺森多士貂蟬萃上公

臨雍儀並肅釋奠禮尤崇入室瞻遺器園橋展

聖躬宮牆還穆穆琴瑟尚泚泚古物逢

皇覽方言達

帝聰縹囊晨燦綠椽燭夜增紅講易三陽泰賡歌二典
隆經帷當玉藻藝圃映璇穹

大賚章縫洽

殊恩組綬蒙堯文輝魯壁舜樂鼓齊風洙泗

宸章潤林亭

御碣礪河圖呈景運雅頌奏神功精一心源接修和治

理融康衢聞擊壤閣道聽呼嵩簪筆詞臣職

颺言贊化工

幸魯紀盛詩

翰林院檢討臣王思軾

萬禩尼山地千秋泗水鄉卿雲迎

玉輦甘露湧瓊漿盛典

皇心肅時巡

帝馭良珪璋呈禮殿俎豆烈烝嘗陟降威儀穆尊崇道

德彰陵開旂日月廟展珮鏗鏘檜影暉羲畫麟

書映舜裳杏壇紅燭繞魯壁赤龍翔矗日垂

華蓋凌霄翦

鳳章陳牲歌律呂釋奠悟美牆雅樂虞韶舞官儀漢奉

常上公殊

寵錫四姓凜趨蹌

賚予駢蕃出簪裾次第行橫經同壁水鼓篋儼膠庠

稽古桓榮貴承家戴聖長羽林窺汗簡虎旅襲

縹囊敷教陳三極同文徧八荒道原通覆載治

欲躋軒皇協氣橋門外和風

輦路傍小臣恭獻頌橐筆侍明光

皇上駕幸闕里恭紀四首

翰林院檢討臣孫勳

重道多傳

涖辟雍杏壇幾見禮儒宗浮雲淨現千山月深夜長

鳴萬石鐘崇號僅聞唐代冊豐碑徒記漢時封

今朝

玉輦遙臨處應看靈著吐錦茸

其二

萬仞宮牆啓秘局

宸儀肅穆拜中庭影搖碧落霓旌燦瑞滿黃圖檜樹青
玉韻五言歌鳳德珠光四顆壓鸞經欣瞻

君道兼師道多士園橋藉寵靈

其三

釋奠初成化澤長庭前草木遍含香風雲環拱

嚴

天仗舄履星陳集講堂資格不須詢聖裔歡呼齊慶仰
龍光卿雲此日凝華蓋五色氤氲覆苑牆

其四

岱嶽名山奠大東昌平韋布配崇穹地盤充鎮
寰區小道問尼山迹象空纔向天門淩碧漢旋
來闕里肅高風虛慚珥筆隨文苑奏賦甘泉愧
未工

駕幸闕里恭紀

翰林院檢討臣梅之珩

寰宇崇文治精微契

聖衷尼山宗脈在泗水溯源通

警蹕巡齊甸

鳴鑾戾魯宮拜瞻勞

萬乘奔走肅羣工釋奠蘋蘩潔明禋俎豆豐標題揮

御藻講義啓

宸聰後嗣承

恩遍儒林教同詩書增氣色鐘鼓發鴻蒙太極乾坤
剖天經日月中漢宰慚不腆唐祀豈加崇扶杖
咸觀禮端圭盡省躬麟蹤堪再覓鳳德豈終窮
肆祀儀初畢

巡遊意轉融檜枝當砌古杏葉拂壇紅

輦過荆榛闕旗翻鳥蹟空壁書尋故址絢履問遺風
製賦鏗金石鐫碑起賸聾衆星旋共北千派總朝東
今古心常合

君師道並隆普天敷化雨奚事訪崆峒

聖駕幸魯恭頌

翰林院檢討臣劉坤

仙仗臨鄴邑瑤簾晉孔墀青雲迎

輦轂蒼玉轉階螭事紀春王筆遊同夏禹詩

鴻文圭壁重

寶翰日星垂直邁唐宗句還凌漢代碑萬年銘自此三

統盛於茲鉅典寧無述儒臣各有司

臨雍卿作頌慚愧乏新詞

恭頌

聖駕幸魯詩八首

翰林院檢討臣王之樞

治叶軒虞古天迴甲子初萬方同禮樂異俗統車書

道與乾俱健

心還谷共虛永懷先聖烈時仰素王居

其二

詔舉東巡狩千官羽衛環紫雲連泰嶽

翠輦指尼山鳳吹靈光側鸞翔泗水灣諸生齊拜舞

咫尺覲

龍顏

其三

釋奠崇

殊典齋誠式裸將盛儀光俎豆雅樂備宮商黻黼金猊

篆匱氲

繡袞香豐融通肸蠁九拜荷

天王

其四

雉尾雲開扇

金輿度孔林碑荒蒼蘚合橋迴綠波沉尋脈離兼巽
封肝古亘今探著還撫楷百世景行心

其五

曷罄羹牆意

天章煥陸離吟驅風雅上文萃典謨奇綴墨雲凝勝濡
毫露浥碑心源應默契惟

帝更兼師

其六

戟門留

紫蓋

御氣動儒宮儀鳳來丹穴華芝挹閭風乍添車服數
還傍冕旒崇一代看殊禮云誰萬古同

其七

爐烟裊

帝座几席講帷陳書啓東家舊經談博士新源流歸至
道雨露暢

皇仁

賜錦還加秩恩霑聖裔頻

其八

金從

中禁賜舊宅轉巍然棟起寒侵斗簷飛迴入天風雲

雕栢護丹壁綺疏穿

聖主崇儒意遙遙軼後先

皇帝駕幸闕里親祀

孔子恭頌

翰林院編修臣查嗣韓

皇帝萬年治邁虞唐泰階如砥端拱垂裳緬惟

先師澤流無疆匪遐伊邇鄒魯之鄉乃

命巡狩來觀廟堂

乘輿曉出千里輝煌

龍旂耀旭班劍攢霜嶽川煥彩卉木依光既至闕里
親詣宮牆屈

萬乘尊盟薦親將安安穆穆瞻拜肅莊爰敷

聖藻遂麗

宸章偃波垂露書軼蒼皇工乃礪石卓立中央碑鐫珉
玕鼇負螭翔榮光燭天上貫文昌崇飾廟貌鉅

砌雕梁位置從祀濟濟廡廊寢林萬樹古檜蒼
蒼撫茲槎枿

賦就琳瑯祀典既畢乃坐玉床廣布

恩綸次第宣揚曰孔氏後世守烝嘗秀畀官爵樸賚帛
糗曰周元聖祠宇久荒治法道法賴厥匡襄遣
肅祀事祀事孔彰曰顏曾思入室珪璋

賜爵賜復用俾弗忘曰亞聖功媿禹迴狂

賜文賜書齊至聖行曰宋諸儒周程朱張文林龜鑑

道圃麟鳳則篤其喬綫續微茫盛禮既備寰宇
告祥卿雲藹藹甘露瀼瀼普天率土驚喜相望
粵自元明前溯歷王亦或崇儒禮樂未遑亦云
典學僅拾粃糠未有

今日膏澤汪洋

曠典殊數中外胥慶奕禩垂裕化浹遐方既付史臣
銘之太常小臣珥筆敬效賡颺

聖駕臨幸闕里釋奠禮成隨謁

孔林恭紀二十韻

翰林院編修臣王奕清

帝舉時巡典禮嚴禋祀成事天勤翠葆崇道轉霓旌候
值緹灰動春從

輦轂生郊原欣有色仗衛肅無聲門禁傳來

旨市人喜不驚質明修肸蠁入廟潔粢盛登降逾前代

賡歌備兩楹奉璋終灌鬯擁席更談經往蹟頻

垂問古壇屢繞行

法書留碣表

御蓋錫宗祊

輦指東郊路林瞻北郭瑩兒童齊扑舞草木盡忻榮拜
跪儀重展醴醕酌更盈低徊吾道意顧盼哲人
情

錫賚蕃孫子謨謀勉國禎


予官推舊裔

賜復及編氓紹述須齊聖感孚惟至誠臣民沾解澤德

位仰離明雲日添晴朗風光解送迎小臣慚獻

頌

帝德本難名



幸魯盛典卷三十

欽定四庫全書

史部

辛魯盛典卷三十一至
四

詳校官宗人府丞_臣寶光解

編修臣程嘉謨覆勘

總校官進士臣繆琪

校對官助教臣胡子襄

謄錄貢生臣王時發

欽定四庫全書

幸魯盛典卷三十一

聖駕幸魯釋奠

先師禮成恭演連珠三十首

有序

翰林院編

修臣張豫章

駕幸闕里親祀

孔子廟林典禮尊隆亘古未有在廷諸臣咸奮毫以

揚其盛事臣備員芸館駑鈍無能仰

聖德之高深溯斯文之統緒欣逢

盛烈擬紀靈符拜手稽首恭上演連珠三十首竊攄
見聞所及蚯蚓微鳴不足以揄揚萬一聊附盛
典之末簡云爾

臣聞瑤樞默握則應迹無窮金鏡朗澄則希光
自化是以蒿宮緼瑟天地賴以清寧松棟垂裳
堯舜由其籠跨

臣聞綵苞肉角四靈非苑外之禽紫脫頰莖三

秀乃池邊之卉是以河清海晏不崇玳檢之封
璧合珠連坐享器車之瑞

臣聞晷緯昭應歲乃叶於上元川嶽效貞史必
推夫太乙是以虞編輯瑞躋泰岱以升中姬典
宣風敞明堂而述職

臣聞襄野載塗鈞陳翼衛峒山考道風伯清塵
是以榮光蔽天占

翠華之南幸喬雲沃日知

玉輦之東巡

臣聞斗玉徵符麟角纏夫繡紱星鉗吐耀

楊炯文宣

王廟碑文語即五老降庭之瑞也

鳳歌應於素王是以

聖主承乾必舉太牢之祀昌期合牒言登闕里之堂

臣聞樂陳韶夏則珍羽來儀曲奏雲和則靈祇

是享是以鐘鏞在列豈乏宮架之懸佾舞有衣

更挈辟雍之掌

時攜太學樂舞生袍服至曲阜演習

臣聞帷宮曉設

法駕儼其乘龍帳殿宵張侯封潔其膳饋是以雲旂

泣止森象笏於靈苗

王勃碑云殷帝乙之靈苗

繡衮恭迎薦

桓圭於華轂

臣聞學歸有本故泉之進也必盈科道貴日強故川之洩也無停注是以臨流興歎觸逝者之

靈機

駐蹕怡情述水哉於

巨製

泉林寺即子在川上處有

御製記

臣聞循舊典者不能創千秋之舉用師心者不能屈

萬乘之尊是以樂備三終或間書於前史禮虔

九拜則迴軼於常倫

臣聞汪波浴月溯流必討其源喬木參天蟠根
乃蕃其葉惟闕里之嶽降翳防山之發祥是以
大成祕殿方瞻旒袞之垂啓聖靈祠即致粢盛

之潔

臣聞金華賜講班伯宣論語之微崇政說書程
頤闡庖犧之奧是以堂開詩禮俾苗裔以橫經
席敞金絲進章縫而論道

臣聞聖道緝熙樹法程於累葉儒門守禮傳典
訓於先人是以萃五氏之衣冠期祇承於無數
揭片言於霄漢凜

勅諭之維勤

進講大學聖經
繫辭首章畢

命大學士諭孔氏子弟遵守
祖訓

臣聞丹素陸離光映文翁之壁羹牆恍惚文鐫
李珣之碑是以覲行教之儀容如親縹筆揭衣
神之帳幙儼拂緇帷

臣聞日月之光非卿雲不能黼黻乾坤之大惟
天漢可以昭回是以師表萬年共仰

銀鈎之燦燦棖題數仞永懸金榜之巍巍

臣聞金猊銀爐詎煥宮牆之彩緋羅香藥寧增

寢廟之輝

宋真宗祥符九年賜金
袂銀爐并香藥於廟中

是以撤華蓋

之九存紫霧籠於夕殿耀中央之正色彤精貫

於朝扉

上命特留曲柄黃

蓋於廟中

臣聞杏匝莊壇端木從游之地檜盤羲畫宣尼
手植之株是以柯拂紅雲晃翠綃而

駐輦膏流鐵樹籠綵仗以停輿

臣聞茫茫蚪蚪沒漢氏之丹碑翳翳莓苔蔽唐

家之綠字是以一經

睿賞則舊蹟重光屢奉

宸咨則流傳勿替

臣聞星輝東壁掌祕室之書林玉積西崑燦仙
曹之冊府是以刪詩定禮彙複壁之遺經視典
披圖閱奎文而考古

臣聞漆書竹簡開禮囿之荒塗石墨谿藤作藝
林之鴻寶是以八紘頓網標籤帙以駢羅五位

崇文啓縹緗而幽討

臣聞鯉述二經行咏歌揖讓之事鮒藏六籍奏
絲簧琴瑟之音是以遺井汲流激清風於俯眺
故居展席緬函丈以披襟

臣聞逐鹿開基茂覩摛文於漢帝傷麟致歎僅
傳揆藻於唐宗是以

道冠昔王陳設兩楹之豆

德侔上聖鋪張數仞之牆

御製詩有兩楹陳俎豆
數仞見宮牆之句

臣聞泗源蕩蕩環聖域以揚波奇木蒼蒼拱佳
章而送翠是以

鑾輿展謁前驅奔走於百神
仙蹕遙臨俞騎喧闐於七萃

臣聞林瑩百尺常披異彩之花磴道千盤不長
鈎衣之草是以

九重肅拜天香襲於袞衣百職陪班瑞靄凝於繡褱

臣聞文楷千章聳危枝而偃蓋靈著萬本符大
易而占爻是以

御手摩挲則勁節垂於奕禩

宸遊徙倚斯祥煙貫於層霄

臣聞摘雒鈎河覲姬公於夢寐興禮立樂弘聖
相之經綸是以碑版勒文垂萬古不刊之製世
官承祀沛千秋未有之恩

命周公後裔東野沛

然為博士

臣聞緇流沐寵嗤別派於蕭梁羽士邀榮誤他

鑣於元魏

李義山詩他鑣並老莊

是以洪緒拜重裘之賜

爰思道脈綿長繡圻捐一歲之租益表儒門沾

被

王勃碑云宋微子之洪緒今以

臨幸五氏子孫皆被恩賜而行聖公有狐腋蟒黑貂掛之錫

臣聞青女霜寒不改貞柯之色絳帷風暖益垂

寶婺之芒是以

御墨淋漓表松筠之節操

宸章刻畫懸棹檝以輝煌

賜孔毓

圻祖母
陶氏坊額

臣聞柳下墳塋尚厲採樵之禁信陵墓域猶虔奉祀之司是以卒史百人被簪纓而汎掃佳城

十頃掩骸骼以恢基

漢置百石
卒史今奉

命復設百戶以

衛林廟

臣聞義峯插漢森象緯於奎章詞海盪雲迅波
瀾於寶翰是以覩舞鳳蟠龍之

聖藻不復尊元帝之書讀敲金戛石之
睿文咸欲陋真宗之贊

臣聞岱宗特峻絜

聖德以斯卑離象允光分

帝圖之末照是以穹碑巨刻擣千古之大文景運元符
赫萬年之至教

恭紀

聖駕幸魯展謁闕里二十韻

翰林院庶吉士臣范光陽

鳳輦巡東國

鸞旗指汶陽川原合洙泗日月護宮牆文德隆

今代儒宗仰

素王

翠華來駐蹕玉珮各分行入室觀車器升堂肅酒漿
禮行頻罄折樂合倍鏗鏘有恪神如在無言教

豈忘

聖容瞻睟穆羣哲儼趨蹌檜閱風霜古碑看歲月長

講筵陳易象

睿藻發天章盛典傳宗子高風激遠方杏壇迴霽色

芝蓋紀恩光路自城陰轉林開水曲旁平原崇馬鬣

密樹靜烏翔歎息精靈聚摩挲翰墨香楷亭承

雨露異木競芬芳輦路空傳宋名封亦陋唐方

田廣兆域伐石表堂皇事與橫汾別儀逾過魯

詳作師弘

教澤千載頌無疆

聖駕幸魯恭紀一百韻

翰林院庶吉士臣姚士勳

聖主垂裳日斯文丕振時傳心尊正學慕道重先師早
舉

臨雍典虔修釋奠儀羹牆原在望闕里更興思為訪
尼山道言遵泗水湄彩雲迎

鳳輦晴日映

鸞旗簪笏千官肅貌貅萬馬馳封疆齊地近揖讓魯
風遺父老觀遮路壺漿酌滿卮爐烟飄繡陌瑞
靄接

彤墀登岱初

巡狩朝堂正會期山高通

帝座日出浴咸池嶽瀆由來重宮牆未易窺微言當絕
續大義賴維持不夜天常旦傳薪業弗隳春秋
嚴筆削教鐸息淫詖政教纔期月風聲訖四陲

憲章尊祖考氣運值桓僖博學名原大無瑕涅
不溜猶傳披玉瑞漫作獲麟悲至德皆天縱周
流豈數竒音徽常仰止車服每追惟奉引登堂
陞鳴

鑿詣禴祠冠裳人濟濟舞蹈步遲遲典禮司宗伯簫
韶掌后夔篆烟凝翠羽文闕列金支時物胥周
備犧尊燦陸離馨香升俎豆對越格神祇澗芷
金風颯溪毛玉露滋釀成春在簞粳熟滑流匙

蒼壁燔柴告黃鐘按律知清和調古瑟疏越播
朱絲堂上笙鏞間階前戚羽麾泗濱浮磬石嶰
谷截筠枝音叶宮商奏歌陳雅頌詞聆音渾不
倦觀禮總忘疲絃誦文禽囀壘麓古柏吹駿奔
昭志恪獸舞見情怡

九拜將誠敬三呼迓福禧少牢前代事再獻昔時規
親祀傳天寶躬耕說下邳投戈臨太學定謚重
宣尼造士猶存制褒成亦允釐美談雖足紀尊

禮豈加茲留蓋烟霞護懸幡寶絡垂似天同覆
幬承露荷

恩施更啓琅函祕還停

御帳帷詞臣環泮水聖裔擁臯比講學期明道橫經
在晰疑每教人辨論頻見

帝疇咨明德心常正修身國自治兩儀宗易繫一畫闡
庖犧香案

天顏喜花磚日影移禮門何竦直周道自逶迤游覽離

丹城裴徊俯碧池輝煌新廟貌金碧炫采愚膠
序東西列橋門左右宜壇開安玉几檜老溜霜
皮絲竹堂高迴奎文閣嶮峻石虹盤宛轉藻井
漾漣漪氣象誠宏壯規模豈隘卑行行趨墓道
望望指壇壝馬鬣何年石龍文累代碑地尊關
象緯水合導淄濰一脈標中極千盤表四維林
無投宿鳥著自守靈龜獨不生荆棘偏應產瑞
芝居廬人想像植楷影嶽嶠喬木多殊種長垣

壓古碑是山皆拱向無草不歲蕤坤德長鍾此
奎光更屬誰為看松鬱鬱因念塚累累

賜地開阡陌平原達九達烝嘗近南畝黍稷遍東菑
頒惠蠲租賦

推恩給帑貲登山真小魯觀水歎如斯只欲標麟德
寧須惜鳳衰筆牀羅翡翠硯匣展琉璃四字褒
崇盡重光宇宙彌題碑還作頌揮賦更成詩

睿藻昭雲漢鴻文勒鼎彝體追西漢古習陋六朝為垂

誠言堪法敦倫俗未漓文章根至理性道本無
歧入室先由戶窺籥不礙籥詩書時晤對禮樂
盡師資信足風千古誰能贊一詞史官書簡冊
扈從快追隨喜起同堂盛明良庶績熙賡歌珠
錯落卷帙錦紛披紀載瞭如掌編摩列若眉體
裁稱美備醇正鮮微疵往哲型如在來茲學有
裨縹緲看日麗雲綵自天貽更欲增篇什行將
壽棗梨小臣探祕笈珥筆報恩私願學平生志

從龍遇合奇史才慙永叔文筆謝昌黎但覺揚
休美渾忘匿影媿附名應不朽此樂已無涯

大駕幸魯詩

翰林院庶吉士臣王懿

萬古傳道心唐虞洎洙泗先聖與後聖精一原
無二誰其集大成於維

今皇帝治與中天侔學則尼山配靈爽脈脈通百慮而
一致緬想闕里風車服與禮器慤然

駕六龍迢迢特

臨涖鹵簿園宮牆旌旌煥松檜豹尾接鸛班冠裳肅
揚對夾道伏諸生六經

命講肄

天語連

宸翰絡繹雲章麗一時鄒魯間萬姓歡騰地豐碑摩蒼
穹龍虎紛環衛勒成不刊書盛典垂弈世

皇帝幸闕里詩

翰林院庶吉士臣李本涵

寰海承流日

清宮重道年

揚鑾遵孔里輯瑞考慮編霜鎖期門戟颺輕岱嶽煙
泉林間點筆防臯靜停鞭插漢開祠廟升堂飭
几筵告虔將玉豆展拜拂彤旃六樂莖池奏千
官劍珮聯

袞衣終裸獻鼓篋繫詞詮瞻仰遺容在摩挲法物傳杏

壇花自放檜樹影猶翩
汲井清風激看碑古篆
鐫南宮餘墨蹟北海有
琴絃鬱鬱佳城近紛紛
葆吹前天香雲共繞異
植綺爭鮮駐蹕思前代
居廬記昔賢靈著符大
衍文草被遐阡延佇斜
陽轉從容整

駕旋千秋經術貴五氏

主恩偏章服加身麗松筠勵操堅雲孫頌位寧繡壤啓

原田宋代儒門大姬公世胄延

聖謨締几述

睿藻綵毫宣玉海流千派銀潢瀉百川雲書森逸態日
榜儼高騫採石西山遠觀光東魯闡文章兼道
藝禮樂化垓埏迴映奎躔象須陳玉檢篇萬方
同拜手

景運正中天

皇上幸闕里恭紀四首

翰林院庶吉士臣李斯義

時維甲子冬問俗披蒿萊

玉輅指東方決潏洙泗開窈窕桓子井隆旋季邱臺
地接魯靈光遺礎隨飛埃左亳右周社兩觀何
崔嵬升堂瞻禮器几筵羅罇罍喬林颯天風
龍旗相徘徊榮光結丹霞靈鼉殷若雷染翰攄

宸章天漢同昭回

其二

緬懷

大聖人抱道昌平鄉赫赫帝王師千祀炳秋陽崇儒
邁前古道統歸

今皇斯文既在茲瞻拜依宮牆文物洽闕宮氤氲松檜
香車服三代製萬舞何洋洋斑駁鼎彝姿麾幡
魚龍翔於穆挹聖衷猗那聞樂章彷彿奏鈞天
登降肅以莊階下舊杏壇歸然存休光

其三

古檜若怒虬蒼鱗鬱嵒峩千載無榮枯風雲恣

蕩磨廟中遺舊琴恍聽倚蘭歌反魯樂始正刪
述亦已多五十學易年白首猶婆娑破壁絲竹
音秦火將奈何漢祖祀太牢唐帝還經過賈絕
惟我

皇建極在中和

其四

古廟既釋奠遺寢亦肅拜步自洙水橋回流何
澎湃窈窕萬木聲青葱儼如畫鳥雀不敢巢蒼

龍時一掛石壇四十九琳琅倒金薤當年駐蹕
亭御氣發光怪枯楷長孫枝隧道惟所屆仰瞻

厪

皇情恪恭實匪懈尊師

賜田宅瑩兆拓昔隘從茲億萬年風雨護靈界

恭紀

皇上躬祀闕里二首

翰林院庶吉士臣凌紹雯

宸遊趨闕里彩仗自天開
扈

蹕千官擁鳴鑾

萬乘來尼山長翠律泗水日滌洄
釋奠瞻成禮祥風徧

九垓

其二

夫子立人極吾

皇邁百王殷勤親俎豆
髣髴見羹牆道啓詩書壁
光留

絲竹堂侍臣親盛事稽首共賡颺

聖駕幸闕里賦

翰林院庶吉士臣彭始搏

自羲聖之開天判兩間之一畫歷墳典而三五
皆帝王之盛蹟揭精一之微言文命敷而勿易
闡降衷以發祥垂敬義於玉冊序道統以源流
實御世之專責彼伊萊與望散不過分股肱而
羽翼乃尼山之拔萃詩書而襄命討之職昔者
五老來降玉書吐庭弘敷四教廣宣六經聲傳

木鐸萬古寐醒漢唐載嗣尋流昧源雖晝而晦
如雲朝屯有宋諸儒爰啓厥門濂洛關閩斗布
星繁如有所待以開化元猗歟盛哉我

皇上之首出也續二十餘年將墜之斯文追跡禹湯文
以還之正統接尼防之道脈洵

亶聰而天縱迨乎氛埃掃滌宇宙載新八表遐暢海極
無塵歌載續於武功乃壹志於修文日煥彩於
中天道既冬而復春探一貫之祕旨悟性道之

奧真懷杏壇之講席思矍相之比鄰彼貞觀與
建隆徒釋奠而駭奔集橋門而聽講僅崇儒之
空文望高山而仰止爰

命駕以東巡於是黃道輝凝

紫宸日擁列缺前驅羣星載拱河嶽來從百靈望寵
爾乃羣龍夾轂三公扈從引領乎東蒙之里接
足乎鳧嶧之峰於是汶濟既涉奎文在望羹牆
載見遵彼周行肅儀範以瞻前歡鼓舞其無方

觀車服與禮器乃入室而升堂曰下拜於禮門
俎豆以生光爰抒彩筆乃煥雲章

天語高題

御墨飛香樹之貞玉以壽無疆覩烟霞之舒卷若鸞鳳
之騫翔標玉書於泰岱掛五雲於高岡實千秋
之僅事與日月而輝長宜聖神之潛格喜吾道
之再昌默

聖學以授受歸大統於

今皇於烈哉於烈哉蓋聞天之生聖人也既與以聖人之德必加以聖人之瑞惟聖人為

天子之質即

天子為聖人之位自唐虞而夏商至中周而幾墜惟尼父之挺生超羣聖而出類久懷情於三代望

今皇而樂致斯治統與道統合而為奕禩之昇平萃君師於一身集洙泗之大成聖以遇

聖固已超三古而接其統系道以傳道蓋將與天地而

同其貞恒

聖駕幸闕里恭紀

翰林院庶吉士臣范光宗

警蹕臨東甸車書集萬方時巡追舜帝于邁詠周王

肅肅瞻廊廟歆歆薦豆觴鏗鳴劍珮師濟列

冠裳快覩圜橋盛榮生璧水光豐碑鈎未斷檜

幹色猶蒼事業超前古修明俟我

皇雲霞輝

翰藻

綸綍煥奎章鉅典龜蒙峻

湛恩洙泗長明良賡喜起聲教訖遐荒自愧雕蟲技

叨陪鵷鷺行敷文當

景運寶厯頌無疆

聖駕幸魯記

翰林院庶吉士臣葉淳

皇帝御極之二十有三年從臣工請始行東

巡狩用察民疾苦勤施補助

鑾輿經過地方應行典禮無不修舉九月二十四日
發自京師既登泰山還自江南十一月十八日
乙卯遂

幸闕里謁

先師修祀事先是羣臣議禮謂陳設儀仗迎神送神
用兩跪六叩禮讀祝文畢行三叩禮

皇上以

先師道冠古今所以尊禮之者猶有未至遂

特行九叩禮夫重道尊師王政之本也記曰三王四代

惟其師矧

先師集千聖心傳會百王大法其道誠莫之與京累

代崇事之文亦不可為不備然要未聞有行是

曠典者

皇上天縱聰明聖神文武超邁前代獨創非常而行千

載所未行之典宜矣嘗考漢高至魯不過以太

牢祀孔子而儀制不載北魏孝文帝高宗明皇
後周太祖皆行親祀亦未傳有儀制惟宋真宗
謁廟始用再拜行酌獻禮詣孔林降輿乘馬然
以視今日典禮果孰優而孰詘耶唐明皇過魯
詩止於嘆鳳泣麟以視今日

御製闡揚道法炳若日星以心印心以道證道使萬世
永遵而不可易其為精粗得失又不待智者始
辨之也先是禮部議

巡幸所至凡致祭祀祠翰林官擬撰獨祀先師及元聖

周公文出自

皇上親裁又

聖製孔子廟記

遣官勒石典禮益隆昔先臣方謫久侍

講筵蒙

恩至深今臣又備員史臣之末臣弟湜又忝與纂修欣

觀

皇上道法兼統所行典禮足以昭示萬世作則無窮用
敢忘其固陋拜手而為之記

幸魯盛典卷三十一

欽定四庫全書

幸魯盛典卷三十二

大駕幸魯頌

有序

翰林院庶吉士臣潘宗洛

皇帝御極之二十有三年仁育義正治功大定丕乃倣
巡狩之制下補助之令涉江淮浴民瘼回

鑾東魯登

孔子廟堂而釋奠焉維時

聖心默與道俱神與德合吐辭為經樹之以碑臣伏見
自古帝王亦有駕幸闕里者矣然或有事而禮
不備備其禮矣而德不洽是以文辭之載道者
希傳曰苟不固聰明聖知達天德者其孰能知
之蓋自

孔子以來至於今二千餘歲聖人之道雖與日月同
光而身體力行若揆符契總作述荷君師則素
王之志實有待於我

皇上而後光也臣愚不足以窺測萬一據所見聞質諸
往古自有載籍曷以加茲謹再拜稽首而獻頌
曰巍巍我

皇與天地京心全太極道貫六經學以中庸治以論語
春王孝思夙夜永譽岱宗高止我

皇仰止哲人遐止我

皇享止秩秩几筵肅肅豆籩穆穆禮容雖樂縣入於
宮牆作配祖述大哉

皇言維心之一列聖大成

孔子集之天下孰宗我

皇則之庖犧演易

孔子繫之木鐸既振我

皇繼之巍巍我

皇千聖是式繼往開來傳於萬億

聖駕幸闕里恭紀

翰林院庶吉士臣宋朝楠

聖主崇儒術心源見素王

鑾旂來闕里寶幄集宮牆禮樂千秋盛謨猷百代昌
五雲懸翰墨八佾奏笙簧講席

天顏喜園橋士氣揚楷林凝瑞靄芳草吐奇芳紺碧窺
遺井金絲陟古堂泉林昭

聖藻檜木被奎章汾水歌凌漢康衢道繼唐從茲千萬
禩

駐蹕記鄕鄉

聖駕幸魯恭頌

翰林院庶吉士臣林文英

六龍迴岱嶽

夫子道彌新出處偕天德

君師兩聖人碑留宮闕壯文重鼎彝珍古檜摩挲處雲

飛泗水濱

其二

行宮開講幄古訓揭天中載錫雲來典追酬祖述功

摛文揚亞聖錄後訪姬公史冊垂新紀千秋仰

止同

聖駕幸闕里恭紀

翰林院庶吉士臣竇克勤

明堂脩輯瑞闕里羿薪傳

輅轉風雲合旗翻星斗懸彩楹彝器肅鵷序

翠華連入室垂

龍袞凝旒正講筵誠通初裸後心契未言先禮樂窺明

備行生悉著宣馳驅還可憶刪述豈徒然俯仰
懷麟鳳音容接豆籩鴻文鋪玉藻綠字灑松烟
雨潤靈壇杏晴薰泗水絃百官儀既備一貫道
應全撫檜遲

鑾駕沿沂憩石泉坎流思至化震出見微權並孔思
元聖居鄒憶大賢深情新廟貌祇敬潔牲牷歌
溢康衢美

恩將世澤綿闡經學不異稽古政無偏盛典儒臣筆文

明頌萬年

聖駕幸闕里賦

有序

翰林院庶吉士臣高人龍

歲甲子冬

皇上御極之二十有三年海寓乂安

國家無事於是稽古巡狩之制省方江淮言邁東魯

登岱宗憩泉林

躬詣闕里行釋奠禮設講幄

命儒生進講經書旋

幸孔林循覽歷代碑文撫摩古檜汲遺井而飲之爰灑
宸翰題額曰萬世師表撰碑贊記賦暨詩洋洋乎雲漢
之天章典謨之

聖製也臣幸際昌時獲覩

盛典敬拜手稽首而獻賦曰

闕逢之歲歷紀上元日方躔乎星紀葭初動而
絅緼仁風遐扇於八表惠澤旁溢乎無垠

天子建九旂駕金根鳴八鸞以為節御六龍而高騫遵
大河之曲涉楊子之津觀風問俗歷覽周原湛
恩汪濊沾被黎元於斯時也回

鑿返蹕陟彼岱宗却金泥之冊謝玉檢之封正七十
二代之謠舛闕百千萬禩之心胸指足練於吳
門升日觀之高峯緬哲人兮云邈企大道而攸
崇爰

顧近臣而詔曰予聞曲阜之墟篤生宣聖百王所師千

秋是鏡刪述六經彞倫以正今也洙泗匪遙宮
牆接境

朕將脩釋奠之禮展如在之敬於以仰止而景行庶幾
祈天而永命羣臣稽首咸曰休哉迺戒駟御敕
左纛擁翠旃以後馳紛羽葆以前導陪尾鬱分
蒼蒼泉林匯兮浩浩泮者為瀾突者為趵散者
如珠舞者如翻或淳如明鏡之初開或激如銀
潢之乍倒塵塏為之畢澄日月為之迴照可以

臨流而濯纓可以倚石而垂釣

天子徘徊移晷默契道妙感逝者之如斯悟化機於大造既而

黃屋徐邁青嶂遙連文草匝地枯柏參天戟門竦翼輦路如弦碧瓦雕甍松栢蘭楳闕宮儼若清風灑然則闕里之廟貌不改而

先聖之几筵在焉

天子降輦而入宿於齋宮越翌日昧爽有司各庀其事

咸霧集而雲從濟濟蹌蹌告潔告充苾苾芬芬
籩豆是供儼神明之來格信肸蠁之感通于焉
擊靈鼉之鼓考萬石之鐘奏六代之樂象大成
之功金聲玉振祝啟笙鏞工歌間奏抗墜從容
三獻既畢八佾方終於是升

講幄召儒生執經而前辯晰研精諸王肅謚百官屏
營下迨期門羽林之士莫不識大義而聆天聲
較諸圜橋之觀聽亦復更僕而難名既而

命聖裔展載籍詢遺址稽往蹟尋詩禮之過庭訪金絲
之餘壁載登

玉輅祇詣孔林螭表高峙楷蔭環青蒼莖披拂馬鬣
崢嶸

天子俯而九拜起而巡行汲古井之清冽撫蒼檜之蔥
菁式觀歷代之碑靡弗蜚英而茂實彪質而炳
文然未若今

天子之範百代而鑄千君也若夫泉林有記師表有額

為碑為贊心源如一旁及詩賦光摩日月束虹
蜺以為毫瀋雲漢以為墨儷義圖匹禹刻鄙漢
帝之章草陋唐宗之飛白焜煌仁義斧藻道德
昭示來茲永永無極雖使益契陳謨游夏珥筆
猶不能彷彿其萬一焉至於留

曲蓋於廟庭

頒榮賚於上公爰及四氏之徒姬公之裔莫不復其
田賦錫以褒封弘施鉅典尤非近古之所得而

比隆也維時東日所出西日所入道一風同中
和鬯洽

君師之任兼治道之統合蓋聖人之道惟夫子集其成
夫子之道惟我

皇會其精是故以饗而以祀不啻見牆而見羹識後先
之同揆覩禮樂之既興敬摘毫而誌盛颺景爍
於千齡

聖駕幸闕里恭紀

翰林院庶吉士臣彭殿元

聖治文德敷九垓咸洋溢

欽明媲美雲

濬哲協舜日道德景前脩詩書崇四術東封告成功南

狩問民疾回

鑒過闕里躋堂撫琴瑟惟茲魯一人生民未有匹生

當姬周季憲章而祖述刪訂萬禩功制作百王

則我

皇紹道統異代如一室

龍輅駐杏壇圓橋歡耄耄濟濟趨千官洋洋舞八佾
肅拜親几筵羹牆殆髣髴斯文信在茲日月中
天揭訪道問崆峒祠真崇太乙何如東魯尊陋
彼老與佛卓哉

聖皇軌巍巍洵超越

大駕幸魯恭紀

翰林院庶吉士臣陳綽

帝治高千古儒風洽萬方泰山迎望峻泗水引源長瞻
拜當年舊褒崇此日光玉書徵覆護檜幹尚焜
煌師表

璇題迴羹牆

御墨香道從一貫得聖以大成彰

駐輦盱綿邈

凝旒溯混茫

恩覃車服禮澤浹絃堂松牖春常在梅梁日載陽殊

榮餘桂奠至敬溢椒漿肅肅

迴鑾早依依降軾常穹碑天上錫翠琰濟南航盛事
真無兩鴻猷洵莫量操觚胥踴躍載筆願趨蹌
特簡儒林秀言從聖裔行編摩羅寶冊故實檢珠囊
禮裁今制繁文舉大綱頌聲騰禹甸文思煥堯
章幸被詩書澤叨霑俎豆芳斯文如有待

景運正無疆

直

南書房觀

御製

御書闕里碑文恭紀四首

有序

翰林院編修臣查昇

竊惟昌期既邁禮重尊經景運斯開慶流鼓篋
日者八紘寧謐六幕綏安西鷄東鰈偃兵氣於
銷鋒黑壤朱垠扇儒風於道鐸詩書之澤蒸於
穹壤禮樂之盛軼於古初

皇上湯敬日躋堯仁廣被天開義畫象離照之當空春
入虞絃比巽風之拂地三辰協極四序咸和乃
復目沂羹牆心遊聖域

九重旰食功懋緝熙三殿勤思學傳精一往者

六飛南泣七萃東巡降輦早於朱楹薦牲牢于黼幄璇
題珠榜炳曜奎光繡角文欄繽紛龍采麟書再
煥鳳德重輝

命彼詞臣紀茲盛事共橐荷囊之筆爰成石室之書乃

猶

睿慮親營

天章手搆金聲玉振煌煌典訓之音日燦星暉噩噩盤
盂之則麗侔雲漢珍並球圖若其八體精嚴雙
鉤森灑輕如垂露識義獻之非工勁比折釵笑
芝絲之未善鐫之寶篆泐在豐碑洵聖里之寵
光實儒林之曠典然而

宸懷天覆大而益虛

聖德川流積而彌讓摩厓有待度閣經時茲焉出珠玉
于簡編於以詢芻蕘于工瞽臣得從供奉之末

陪直

禁廷獲於瞻仰之餘預窺

聖製歡同近日祇切葵傾喜極望洋難勝蠡測自知燕
陋竊效賡揚輕塵滴水固無當於高深雀躍蟲
吟止自抒其鼓舞云爾

秘殿花陰轉綠苔身隨冠珮到蓬萊巍我鳳閣

星辰近烜赫龍函日月開義舉六經歸典則文
成五色象昭回珠林玉冊光千古天上親曾一
覩來

其二

奎章寶墨灑宮牆制作昭垂邁百王一代儒林增潤色
兩楹俎豆有輝光鸞迴

御帖晴雲濕螭護豐碑翠蘚香漢蹕唐封安足並

聖朝文治繼軒皇

其三

宮簾長日午風清
綳帙紛披雪繭明
楮上虬蟠方詰曲
行間鳳舞必縱橫
銀鈎鐵畫神常健
扶石奔泉勢自成
想見

御屏宵旰暇麟毫
灑落瑞煙生

其四

列宿中天拱帝車

翠華曾幸素王居
懸題已賜龍鸞額
伐石重鐫琬琰書

聖學孳孳扶道統儒風習習返皇初微臣幸際休明日

拜捧

天章近玉除

恭紀

聖德崇儒頌

有序

翰林院編修臣黃叔琳

今

天子化成天下尊崇

孔子之道於是薄海內外遠近學舍莫不皆立

聖廟以歲時修其祀事而闕里之地實為聖人所居
尤宜崇飾廟貌以法式天下緬惟講堂之闕則
在建寧之時其後歲時修葺必官為經理漢魏
以還代加增飾唐宋而後尤見恢弘至於乾封
有詔天僖有勅則於歲修常典之外別為崇峻
廣厲之文者也總而論夫儒宮之廢興規模之
建立則一厄於金之貞祐而鼎新於元之大德

再災於弘治之己未而落成於弘治之甲子迄
今二百年以後追想二千年以前歷考先代御
府之文遐稽遺告穹碑之記如政和所頒門戟
二十有四明昌所拓黌舍四百餘楹靡不增高
岱嶽助廣泗流然而丹櫺碧瓦之輝煌蟠螭蛟
龍之鏤錯歲月已遙能無頽圯固有待於崇儒
重道之聖人為之增華飾美者也昨者我

皇上停輿魯地親祀禮成徘徊燕寢之間俯仰廊廡之

下周巡徧覽從容永日而

御書萬世師表之錫曲柄

御蓋之賜自立廟以來所未曾有乃者

回鑾以後儼尼山之在望瞻堂宇之宜嚴

特發帑金大加脩葺務使棟梁重峙丹雘維新千秋道

術尤表於今時萬載儒風獨隆於此日豈直青

衿素領之士鼓篋如歸褒衣博帶之儒橫經有

地而已哉昔者魯頌所載新廟有作則其臣史

克有泮水闕宮之詩以揚其休美今我

皇上廣揚文教弘啓儒宮如此其盛莫之能京允宜從
史克之後作為歌詩仰宣

聖化不敢以初厠詞館文詞陋淺為辭乃拜手稽首而
獻頌曰

奕奕新廟尼山所宅

天子有命增華於昔經之營之孔曼且碩是斷是度九
九松柏惟此松柏其高參天杏壇之側泗水之

邊瞻言廟貌靈祠巋然其庭殖殖其楹閑閑
鑾輿至止大小咸喜勞我

聖皇親舉玉趾宮寢廊廡周覽環視赫赫嚴嚴

天顏在咫

帝眷聖道尊崇無外褒以

雲章錫以

御蓋廣運精思以賦古檜凡厥後裔沾恩汪濊惟

帝有念念茲儒宮歲時脩葺歷代或崇鼎新革故則待

鳩工其塗丹雘以契予衷乃命司天撰辰擇吉
乃命司空度材營室出自

內府朱提萬鎰刻栢雕甍其成不日廟事既舉來觀來
齋樞衣屏息歷級升階士無怠氣人無惰懷肅
肅雍雍以莫不諧惟我

孔子萬世之綱惟我

天子萬方之王闡揚

聖教其道大昌作茲新廟巍巍煌煌闕里之澤天下

之光

恭紀

特發帑金重脩闕里廟落成二十韻

翰林院編脩臣黃叔琳

惟

聖能尊聖君師道並崇鴻鈞一氣轉繼曜萬方同繡紱
神靈迴尼山俎豆隆大哉推奕禩高矣眺靡窮
條貫兼飛簾精微契合宮

翠華巡魯甸玉帛走寰中歷陞瞻遺像優儀至鞠躬

御筵浴大義承旨震羣蒙植檜霑仁澤仞牆協道風撫
楹思真彩發帑命鳩工斷斷徂來近輓輸洙泗
通架梁虬偃仰疊祀玉玲瓏采翳藏雲白翬飛
駐旭紅神功真廣大士類感悱懽

睿翰騰騫古穹碑負巔雄文輝辰極北德峻岱峯東作
頌羅時髦書思覲上公

天顏知有喜地職已能終肅慎常供矢扶桑永掛弓聲

名訖無外遐邇盡呼嵩

幸魯盛典詩十二韻

翰林院編修臣覺羅逢泰

昭代文明啓

熙朝道統彰尼山通寤寐闕里待冠裳卜日

鑾輿出乘風雉尾翔一誠陳俎豆九拜薦馨香

膚藻雲霞麗

宸章日月光豐碑看燦爛曲柄覩輝煌至德隆師表彝

倫奉典常靈著占地寶古檜紀年芳攬勝勞
清問程材集講堂恢恢儒業重奕奕

帝勲長心法承河洛明禋邁漢唐金甌知鞏固咸仰
廟謨昌

恭紀

幸魯盛典詩十二韻

日講官起居注翰林院侍講臣覺羅滿保

振古傳心法尼山集大成當年垂教澤此日際

文明洙泗淵源合唐虞道統精金絲諧壁奏詩禮著
堂名神檜迎

仙仗靈著映翠旌停輿

親步入釋奠禮躬行

翰藻隆千載

輝光溢兩楹龍蛇銀管動鸞鳳彩毫呈蓋展雲霞色
碑流玉石聲宮牆瞻美煥草木被餘榮史冊真
希覲臣僚並效賡感

恩非一姓率土荷

皇情

幸魯盛典卷三十二

欽定四庫全書

幸魯盛典卷三十三

纂修

幸魯盛典詩

并序

翰林院編修臣文岱

臣聞崇儒重道迺治世之弘規釋奠臨雍為帝王之盛業溯自羲軒而下洎乎書誥以還心傳如一俟後聖而不疑斯文在茲推孔子為尤盛

廟崇曲阜恒慨思夫玉振金聲禮用太牢爰致
祭於尼山泗水漢室之特典猶存宋代之親臨
足紀自古而然於今為烈欽惟我

皇上御歷之二十有三年東巡幸魯也議禮至隆敷文
益遠

輦駐奎文之間見若羹牆步登闕里之堂肅茲拜獻
既仰瞻乎至聖復旁及於四賢發道德之幽光
不惟犧象雲雷之末闡性天之奇奧亦觀禮器

車服之陳畫棟雕甍光同雲日唐鐫漢篆勢若
蛟螭於焉一時寄覽四字加褒翰墨流芬何異
銀鈎鐵畫錦箋耀彩恍如綠字赤文自一世及
萬世傳之勿替以身表作師表沿及無疆棖桷
騰輝還留翠蓋簷楹挾藻兼歷講堂覽懷英之
篆往蹟可稽閱杏壇之碑石刻宛在千尋古檜
賦成雲漢之華文六靈著式表孔陵之異固世
守之得以常綿而輸將之可以勿事者也更若

昌平勝地孔里故居患堂廡之摧頽出儲胥而
丹雘竹苞松茂規模備美於當年鳥革翬飛氣
象增榮於昔日或持絳節以飄飄盡玉葉金枝
之秀或捧丹書而璀璨皆左輔右弼之賢廟貌
日新文明大啓推恩廣矣錄其苗裔遞及周程
張朱立制昭然表乃前賢奚獨顏曾思孟是以
纂茲盛典肇自乙丑之年告厥成書迄於辛巳
之歲彙為卷帙揚此

聖謨昭日星河嶽於行間前賢堯後賢舜不啻與二帝
為三振金石鐘鏞於宇裏禮知政樂知德自可
等百王而上臣颺贊莫由舞蹈靡已敬成十律
用賡九歌

其一

聖主修時邁鴻儀定秩宗道尊孔氏學典茂漢皇風翠
蓋臨洙水嵩呼震魯宮斯文千載賁曉色正曠
曠

其二

步自奎文閣言登闕里堂
肇行儀肅肅文告頌
洋洋踰濟皆鸛鷺笙歌繞鳳凰
一時恩意普前
後仰

龍光

其三

詩禮堂貽久當陽御講筵
修齊揚祖訓彖象闡
羲傳瑞映龍文麗祥分鳳藻
妍大寮欣侍從

天語更煌然

其四

舊得傳真像今還籠碧紗
式瞻道貌古深憶講壇華
紫氣臨朝旭文光燦晚霞

至尊親拂拭奕禩重褒嘉

其五

往蹟知咸在因觀犧象餘
神傳道子畫贊出米顛書

御覽崇朝徧

皇情此日舒表揚四字後按藻滿庭除

其六

黃蓋方崇廟佳城復薦庖榮分廬外楷靈動墓
前著至道古不泯斯文今在茲弘膏綿世澤隨
處沐恩施

其七

廟貌雖崇煥簷楹賴鼎新采山親

御蹕分帑出

楓宸日耀丹黃色雲開殿廡春
几筵瞻拜處長此重明

禋

其八

神功開朔漠銜

命紀豐碑耀武包戈甲崇儒尚
鼓吹雙鈎金管出聯揭

赤文貽檜影遙分彩光同日月垂

其九

德意何周溥

絲綸次第開魯鄒崇廟祀濂洛廣滋培寶翰榮三錫鴻

文重八垓承

恩巍闕下元首咏康哉

其十

盛事欣初遇還憑歌叙留一編昭史冊萬載炳
皇猷拜舞欽堯典文明啓禹疇頌颺靡有罄天地與同
流

幸魯盛典十六韻

翰林院檢討臣阿爾賽

廣運

同文治昭回

至德敷

學隆

皇極建道在素王扶岱嶽尊河洛尼山滙泗洙

九重頒典冊百世仰師儒鄒魯沿三代絃歌被一隅

翠華勤拜訪闕里煥規模詩禮觀瞻肅金絲氣象都講
經隆聖學讀易應乾符入室臯夔相升堂游夏
徒

天章飛玉屑

御墨散金鋪博士褒嘉數文宣禮遇殊

詔留芝蓋出

恩與杏壇俱拓地加增墻蠲糧等復祖靈著堪揲卦古
楷亦成圖紀頌紛珠玉賡颺協典謨大成如可

作一德

主臣享

恭紀

聖駕幸魯盛典四律

翰林院庶吉士臣高其偉

隆儀肇舉出承明闕里欣看

綵仗迎奎壁星高環

翠輦松楸路迴駐霓旌風和宛宛華鐘動日麗遙遙玉

磬鳴

師表萬年殷薦盛頌揚莫罄魯諸生

其二

犧象雲雷列上台翠微深處講筵開祥煙散彩

盤旋護

鹵簿飄香拜獻來碑峙千尋文燦爛牆推萬仞日昭
回龍翔鳳翥璇題永先後同欽

大聖才

其三

萬國昇平樂凱旋歌功

聖廟湛恩偏琅函特並兼金賜文綺還同華袞傳電

鉞親揮欽

武德園橋沛澤仰

堯天杏壇式薦馨香日繡織留輝耀豆籩

其四

帝子遙臨精意通函香肅穆鳳城東神馳泗水音容

近道奉尼山禮秩崇忱聽金絲傳古壁頻瞻俎
豆敬齋宮心源會得羣賢接恩遇忻沾此日同
幸魯盛典恭紀二十韻

翰林院庶吉士臣耿古德

盛典東巡舉震區頌我

皇斯文昭炳煜吾道藉光昌奧義探洙泗隆儀邁漢唐
鳴鑾停闕里

駐輦過平鄉魯壁尋遺宅縹帷訪講堂音容留往蹟

草木覩餘芳恍若羹牆接彌生俎豆光

御爐煙縹緲仙樂韻鏘洋

萬乘躬為屈千秋德倍彰

宸章垂典誥

睿製叶笙簧已覺雲霞麗還流翰墨香

金書丹碧煥

綠字鳳鸞翔

天語從容問臣詞仔細詳推恩皆子姓陪列盡冠裳優

厚原田賜綿延帶礪長

龍顏瞻有喜

聖澤溥無疆懽悅盈陬溼聲名遍校庠崇儒推

哲后典學茂前王棧樸人文盛詩書士氣揚所欣逢景

運六合慶時康

幸魯盛典告成恭紀二十韻

翰林院庶吉士臣伊太

東幸恩膏溥西清紀載詳禮因

天子議道賴

聖人昌居仰尼山近源承泗水長文明開魯國儒術得

周行

翠輦乘時動朱旗映日颺

迴翔瞻入室

誠恪儼循牆牲幣陳重席蘋蘩薦

御香爵隆三獻禮樂奏九成章器用頒

天府工歌叶太常百司陪俎豆四氏効趨蹌鉅典何

巍煥高文更喬皇

龍章垂碧落

鳳藻麗穹蒼葺宇

絲綸重題碑翰墨光喬林看檜楷古壁聽笙簧講藝微

言晰推

思異數彰貂裘蒙

寵賚

羽葆觀輝煌

駐蹕留餘眷編蒲志不忘石渠勤筆札金匱永珍藏
頌祝盈閭里都俞在

廟堂中天文運盛泰岱共無疆

幸魯恭紀十二韻

翰林院庶吉士臣楊萬程

帝教隆儒術

時巡肅禮門鳳麟輝聖域奎壁印心源陳俎馨香遠升
堂律度溫欽崇留寶蓋疇覆象乾元治接唐虞

統躬持道德藩檜林開

輦路著草獻仙根美真流丹腹飛霓耀紫垣仁耕優錫

上天爵重褒言

睿藻金聲夏穹碑玉篆存蕩平昭協贊樂育履安敦體

極三才備儀超百代尊文光凌泰岱景運叶義

軒

幸魯盛典恭紀二十四韻

翰林院庶吉士臣阿進泰

皇巡超萬古

聖祀肅千秋泰岱飛

鸞輅宮牆降冕旒上辛崇俎豆二月覲諸侯闕里青
旂繞東山紫氣浮太常馳綵幣胄子挾鳴球典
視唐宗盛儀從漢代優雍雍百官富肅肅兩楹
鏤步輦瞻雲峻齋宮望殿幽升堂

親九拜入廟獻三酬講席奎文敞經聲魯壁蒐

宸章輝玉勝

御藻勒銀鈎後殿

龍車轉前林

鳳羽遊異著仙露入神草瑞雲收手檜天題咏香泉
味冥搜蠲租眉耆渥頒爵耳孫周博士添經術
旗門護櫓楸貂裘頻賜賚黃蓋命藏留北闕迴
輿日西山匠石鏤穹碑標曲阜大冊煥神州

特遣虞衡使還將棟宇修朱提

頒內府丹楨煥雲樓重道書無匹尊師史莫儔江山

宣禮樂河嶽仰懷柔恭頌

神堯德長同泗水流

幸魯恭紀十二韻

翰林院庶吉士臣董泰

春滿尼山路

天臨曲阜城愛民勤省問重道啓文明泰岱祥雲遶東
蒙瑞靄迎古書求彙繫大樂訪咸英珪璧傳先

蹟宮牆愜

聖情綰帷來

鳳蓋

翠輦駐鸞聲曲有潛魚聽圖因寶馬呈杏壇增氣象

泗水毓華菁

玉榜垂三殿

金題壯兩楹大臣監匠石

帝子上梁盛至治隆師範

綸言闡道精小臣恭紀載稽古樂光榮

幸魯盛典恭紀二十四韻

翰林院庶吉士王士銓

天閭開鼎命岱嶽拱

乾陽峻德彰巍煥崇文著喬煌新傳抽錦祕斗極燦

龍章道統苞前詰心源印素王

禁局凝眷眷鑾輅動鏘鏘

蹕駐東山迴恩流泗水長烏迎仙仗轉草傍翠華香

特典明禮懋

皇儀秩祀莊靈尊親泣曾雲幣覲升堂裊裊紫香篆輝
輝麗燭光笙鏞盈碧玉

綸綍肆圭璋爰啓琉璃匣平移玳瑁牀一言昭闡繹四
字罄揄揚璀璨題耀飛騰奎壁翔土田恢嗣
續散秩益冠裳曲蓋先師軾

宸書壽母坊蠲租敷浩蕩

賜帑湛汪洋魯道閎新碣周行暨遠疆元公推錫後子
姓復揚芳典禮超前漢規模陋盛唐史臣難贊

頌文治樂賡颺怯劇賈生壘恭循考父牆瞻霄
忻異數依日愛非常幸際休明代傾葵奉
聖皇

幸魯恭紀二十四韻

翰林院庶吉士臣才住

閭闔垂衣日寰區擊壤時東巡依舜典時邁咏
周詩

鸞輅乘春發霓旌拂曙馳岱宗瞻峻極魯殿訪陳基

爰

幸宣尼宅先臨闕里祠
省牲新薦享釋奠舊威儀
玉帛陳庭實笙竽奏樂詞
祥熏飄柱拱明燎映杲
愚興俯將

宸敬尊崇仰帝師
心源誠默契道統繼聞知

鴻筆題銀榜龍光照玉墀
片辭該已盡萬世語非私
挺幹孤生檜叢莖瑞應著
上公膺

寵錫舉族被榮施
賜酺歡心洽蠲租惠澤隨
金錢中

禁出文綺尚方貽

召對諸生俊思加好爵縻廟堂留曲蓋壽母表華棖
已荷

皇慈極重看

睿藻披千言揮韻賦五字麗穹碑重道能如此斯文儼
在茲史官詳紀載簡冊待昭垂愧少班張筆難
將雅頌為右文成

聖治何幸遇昌期

欽定四庫全書

辛酉歲典

卷三十三

敬讀

御製

御書孔子廟前後碑文恭紀二章

有序

兵科掌印給事中加一級臣宋駿業

義畫乾坤堯傳精一由來上哲定有文章我

皇上以仁聖之姿建中和之極學扶正脈道協素王

入廟

幸林隆規鉅典既旋

鸞輅即灑

龍章玉振金聲聿著大成之頌禮明樂備并嘉元聖之
功蓋因孔以及周如邈源而竟委自昔未有曠
代罕行乃因殿宇之漸歆復動

宸衷之眷顧

命官庀治

發帑鳩工歲逾一周功方告竣循牆拾級磷磷雁齒
之階丹雘墜茨燦燦魚鱗之瓦典型非遠廟貌

聿新式昭景仰之規再

製重修之碣幸依禁近臣得預觀乃選石於藍田遂鐫
文於闕里摹勒告竣搨本進

呈拜手載觀珍踰綠字爰入

內府之帖同編

祕笈之藏筆陣雲橫難擬釵痕於鋒穎墨池波濺細
求戈法於毫端久垂畫一之模永示正心之法
昔漢家誼辟妙有歌詩唐代英君神推飛白未

有

文因重道

義起崇儒宣義蘊於性天寄楷模於翰墨璣衡在手
變化入神臣奉職省垣兼較金石欣逢

盛典敢後揄揚坐井觀天以蠡測海豈陳梗槩曷罄
形容

聖學淵源契大成尚然勤止溯先正花迎

鑾輅臨東甸風遞絃歌入魯城三殿禮陳蠲俎豆五

雲章煥散瑤瓊

天書親捧登金石
蚤負何當被寵榮

其二

殿宇穹窿倚日開

宸遊瞻仰幾徘徊
冬官新遣鳩工去

帝子親銜

鳳詔來再煥

絲綸驚異數兩經較閱媿非才
豐碑交映垂謨誥萬世

鈞陶入化裁

聖駕幸曲阜釋奠

先師恭頌

戶科給事中臣趙吉士

沙界平成天地功布衣參贊帝王同賢賢函丈

神猶宅

聖聖傳心

輦向東典舉千秋儀鄭重林開五色氣葱龍几筵應

見臨章甫禮數從容沐化風

其二

冬仲東

巡綵仗雄欣傳

駕幸聖人宮泰山不改巖巖象

王者猶瞻皞皞風設兒

山龍增肅穆升堂絲竹侑豐融牲牢自古多殷薦羽

蓋尤標禮數崇

幸魯盛典卷三十三